



# PETRU ALLUTTU o ORECCHIONI

## ... LA 'ITA

Battisgiàtu illa ghjésgia manna di la natività di Locusantu.

Cuiuàtu cun Andriàna Giurgioni la dì 29 di Santigàini di lu 1840 candu aia 20 anni (sigundu li riggistri di la ghjesgia) illa rettoria di Santa Teresa, forsi ancóra no éra cunnòttu come canzunadóri e campésini illa cussòghja di Saltara.

Mòltu a 70 anni (sigundu l'attu di mòlti), la dì 26 di Magghju di lu 1888, a li 9 di matinata, in Montilatu, una cussòghja di Calcinaghju, no abbeddhu allonga da undi è abali lu paesi di Bassacutena, sempri appaltinutu a la parrocchia di Locusantu. Lu funerali vinìsi celebratu da lu preti Tomaso Columbano.

Intarràtu illu campusantu di la ghjésgia di Santu Pascàli in Lu Puzzu la dì 27 di Magghju di lu 1888.

Fiddhólu di Ignaziu Alluttu e Ghjuanna Giagoni.

Natu, sigundu celti studiosi, la dì 3 di Friàghju di lu 1820/1819; sigundu l'attu di mòlti risulta natu illu 1818 (palchè scrìni a l'età di 70 anni).

Sigundu altu studiosi di tempi passati, parìa chi éra natu la dì 15 di Ghjinnàghju di lu 1912 e battisgiàtu la dì 19 di lu mattèssi mesi. Chistu è statu un mal cumprindugnu palchè illu libbru di li battisgimi di Lu Puzzu, risultàa battisgiatu un Petru Alluttu, fiddhólu di Ignaziu Alluttu e Ghjuanna Giagoni; àni fattu di nonni Bastianu Russinu e Matalena Scampuddu, tutti di la mattèssi cussòghja. Chistu Petru Alluttu éra lu frateddhu moltu sendi minóri pocu dapoì chi è natu e pal chissu àni datu chistu 'nnommu a lu Petru Alluttu chi cunniscimu noi.

A lu babbu Ignaziu in celti documenti veni chjamatu Alluttu e in altu documenti Cossu. Éra comunque fiddhólu di Maltinu e Ghjuanna Aricchjòni.

Ancóra siddhu è sempri parùtu chi “Alluttu” éra lu stivignu e “Orecchioni” lu cugnommu (chjamatu in gaddhurésu “sangunigghju”), no è cussì: Orecchioni è lu cugnommu chi s’à datu iddhu candu s’è cuiuàtu cun Andriàna Giurgioni illu ’40. Tandu éra andèndi la moda di italianizzà li cugnommi e iddhu à presu chissu di la minnanna da palti di babbu “Aricchjòni” e l’à italianizzatu.

Dunca lu só’ ‘nnommu ‘éru è **PETRU ALLUTTU**.

Progèttu:

**“ÉU FAÉDDHU GADDHURÉSU”**

Finanziàtu da la Legghji 482 di lu 1999, alticculi 9 e 15 e Legghji Regionali 22 di lu 2018 – annualitài 2021